

10

DE APPARATV NVPTIARVM INCLYTI ET POTENTISSIMI SIGIS- MVNDI AVGVSTI PO- LONORVM REGIS.

CARMEN EX TEMPORA-
NEVM,

PETRI ROYZII MAVREI
HISPANI IVRISCON-
SVLTIS



DE APPARATV Nuptiarvm
INCLYTI ET POTENTISSIMI
SIGISMUNDI AVGVSTI
POLONORVM REGIS.

C A R M E N E X T E M P O
R A N E V M.

PETRI ROYZII MAVREI
HISPANI IVRISCON.
S V L T I .

A Vdite, & lætos animis admittite cantus
Sauromatæ, Regis mecum celebrate fauentes
Connubiū AVGVSTI, & faustos orbi Hymeneos,
AVGVSTI, quo non aliis mansuetior yllus
Sceptra tenet: Regniq; datas moderatur habetas.

Venit læta dies: illuxit si qua Polonis.
Festa olim: postq; campos atq; inuia Rura
Sarmatiæ ingressus tentoria prima locauit
Læchus agris, genti sedes & mœnia fixit.
Læti ergo mecum festum celebrate Hymenæum
Sauromatæ, septem cœlo fulsere triones
Plus solito: lateq; facem accendere coruscum.
Lætitiaeq; nouis signum dedit ignibus æther.

Iagellonæam rursum astriacamq; iugari
Gentem fama refert; & læto nuncius ore.

A ñ Huius

Huius magna tibi tanti stat gloria facti,
Dux RADIVILE, decusq; feres per sæcula magnū.
Fœlices hos tu thalamos, hæc fœdera tractas:
Grata Deo:& genti multum exoptata Polonæ.
Dñ utinam, quorum non hæc sine numine certo
Moliris, faciles tibi debita præmia reddant.

Iam iam aderit, certis sacra qui connubia vinclis
Firmet: & alternans nodis deuinciat arctis
Te, CATHARINA, petens: quā nup Mantua paucos
Læta dies thalamo extincti decedere fleuit
Mœsta Ducis: lachrymisq; abeūtē & voce secuta est.
Te fandi gnarus, fidei secretior altæ
Regius Antistes docto PREREMBI ore
AVGVSTI mandata ferens, efferre paternis
Gressum oret tectis: sociamq; accedere Regni
Atq; omnis comitem vitæ: properantis & æui.
Ut quam spem raptæ Elysabe mors ante diem trux
Abrupit: fato thalami meliore reponas.
Eia age rumpe moras, PREREMBI, nuncius isti
Qui AVGVSTO tristis rapti de funere patris
Cracouia Lithauum ad fines & frigida regna
Fœta gelu: nunc læta obeas data munia latus
Connubijq; insta, & FERNANDI limina Regis
Patris adi: natæ cui vincla iugalia curæ.
Vtraq; coniugij iterum se Regia iungat.
Sauromatae hoc omnes optant populusq; patresq;
Ac Rex ingenti iam dudum accensus amore.
Hoc pater, hoc velit: ac votis non abnuat æquis.

Et tu

Et tu pulchra veni: ac sedes, CATHARINA, paternas
Linque volens: fatisq; sacram foelicibus Aulam
Ingredere AVGUSTI: & lætis Regina vocari
Vocibus assuescas: AVGUSTI q; inclyta conjunx.
Fata benigna volunt & diuum certa voluntas:
Has iterum sociare domos: & iungere teda.
Annuit AVGUSTO FERNANDVS bis socer vltro
Rex Regi: & natam verbis despondit amicis.

Ergo, quod faustum populis foelixq; velint dñj,
Inclita Romulei proles venit altera Regis
Desponsa AVGUSTO, Regis CATHARINA mariti
Ingressura thoros magni, thalamumq; sororis
Heu quondam extinctæ viduumq; aditura cubile.

Aspicis ut Boreas placidi flat more fauonis:
Auraq; inuitat sp̄osam, blandoq; susurro,
Tristes demulcens iras, Stridentiaq; ora:
Sueta malas hyemes spirare & frigora s̄aua.
Cernis & vmbrosas vt vestiat Istula ripas:
Lene fluens lentoq; impellens agmine Lymphas
Læta tuis, Minci, spolijis & honore superba.
Quam modo clara viris decedere Mantua fleuit,
Arces linquentem viduoq; palatia lecto
Mœsta sui Ducis: hanc Cracouia mœnibus ardet
Claudere læta suis, oculis & cernere coram:
Sarmata & hanc omnis studio flagrat ante videndi.
Hanc patres læti expectant, quos suaue rubenti
Murice velat honos: rerumq; dat esse potentes.
Expetit hanc exculta animis æuocq; iuuentus:

A ij Voce

Voce fremens vna lectus cum plebe Senatus.
Sanguinis Austriaci o lectū genus: inclyta Regum
Gens, CATHARINA, veni, veni, omnis Sarmata clamat.
Promit opes & quisq; suas: congestaq; longo
Quondam æuo, & parcis ab auis defossa talenta
Cælo ostenduntur: tenebras noctemq; relinquunt.
Qmnes certatim gazam eruere vñq; repostam
Aspicias, tanto & lætos gaudere Hymenæo.
Ad festos se quisq; dies, multo apparat ostro.
Multo auro, multo argento & fulgentibus armis,
Iam Martis simulachra viri, iam pulchra iuuentus
Arma parat circo: & cursus meditatur equorum.
Cæsariem prensans galea cristiq; decoris
Auricomos aptans conos tollensq; sub auras.

Nec Rex interea segnis, cui pectora grati
Vrit amor thalami, expectataq; gaudia tedæ,
Mente agitans tota, pulchram quibus instruat aulā:
Quos ludos: quæ festa suis totiq; trioni
Indicat, sponsam propter sanctumq; Hymenæum.
Thesaurosq; aperit dites longaq; paratam
Gazam ætate, tuum, SPITKO Iordane, laborem,
Et, LVTOMIRE, tuum, fidei res credita quorū est,
Muneris & tanti moles: sic notus vterq;
Ingenio solers & rebus dexter agendis.

Sed malus heu curas has inter morbus adortus
AVGVSTVM, febrisq; gelu cōmixta rigēti
Artus saua coquit Sacros: præcordiaq; vrit.
Nil medicas adhibere manus, nil pharmaca prodest.
Non

Languet: & ingenti morbi Rex astuat igni.
Non epulas capere, aut speciosum haurire falernum
Non catus audire iuuat: non dulcia plectra.
Insomnes ducit noctes, lucemq; quietis
Expertem, & morbo Regi mage noxia cura
Sæua malum duplicat: toties cum dicta Hymenæo
Et diffusa dies ægro succurit & hæret
Fixa animo: cursuq; videt properare citato
Tempus: & interea dirum haud mitescere morbum.
Sauro matas tandem cœlo miseratus ab alto
AVGVSTVM q; Deus: morbo fessum & ppe fractū
Immiti Regem, cui debita longa senectus,
Aspicit: & reddit notas in corpore vires.

Vltima iam tedæ & lato lux dicta Hymenæo
Venerat: ecce orbis varijs de partibus adsunt
Missi oratores: & nuptæ munera portant
AVGVSTO q; patris late regnantis Iuli
Nuncius aduenit iuris MAPHEVS & æqui
Consultus: priscos memorat qui in gente Quirites.
Vnus bis senos, quos legit Roma, patronos
Pontificum Regumq; inter celeberrimus omnes.
Nuncius hic patris summi, dextra inclyta cuius
Fert sceptrū omnipotēs: quo terras vnum & æthram
Subiicit imperij: Acherontaq; terret & umbras.
Quem penes arbitrium rerum: cui grandis olympi
Ingentes referare datum est & claudere postes:
Et fontes animas nigræ damnare gehennæ.

Et Carolus Cæsar bello & victricibus armis

Inclytus

Inclytus, exciuit quem nemo impune quietum:
Cunctatumq; diu ac venietem haud sustinet hostis.
Misit Pictauia Guilihelmu e gente profectum:
Insigne pietate virum fandoq; disertum.
Regi qui Avgvsto pactæ connubia neptis
Fœlices semper thalamos faustosq; precetur.

Ac proceres, quorum arbitrijs fastigia Cæsar
Accipit Imperij: & sumptas fert orbis habenas:
Miserunt Regi qui fausta precentur amico
Coniugia: & læti læto intersint Hymenæo.

Hippolitusq; genus prisco à Tassone profectum:
Clara domus, magno duce missus ab Hercule venit.
Hercule, qui Erydani ad ripas & amœna fluenta
Italiæ custos sedet: atq; potentibus armis
Hostes arcet agro sedesq; tuctur auitas.
Assuetus non has illasue accedere partes:
Regibus incessit Martis si quando cupido
Insani: miserosq; armant in mutua ciues
Damna feri. quin nascentis mala semina belli
Vestigat solers: Studijsq; recidit amicis.

Augustanus Otho, sancti pars prima senatus,
Puniceus quem velat apex: pressoq; Galerus .
Crine caput stringens, decus almæ frontis inumbrat.
Misit Lesnouium pro se: qui læta precetur
Connubia: & mensa sedeat coniuua Iugali.

Venit Ioannes Isara Zengerus ab alta
Clarus eques: quem Bauariæ Dux missit, iniquo
Districtus patriæ bello & ciuilibus armis.

Ipse

Ipse volens coram, sineret Mars seuus, adesset.

Exierat iam pulchra domo CATHARINA paterna:
Post longumque vale facundos liquerat agros,
Latia Vienna, tuos: propioraque rura tenebat
Lechiadum: ad Regis fines ventura mariti.

Habuisti charæ, Rex Aemiliane, sorori
Maxime: FERNANDOque comes cum fratre tenebas
Latius iter: pulchræ connubia Latia sororis
Visuri fratres, omnis quos suspicit orbis
Regnaque, quæ vobis se se debere fatentur.
Erubuitque suos angustos Austria fines.
Tuque, Boheme, tuos: ingentia debita Regna
Confessi: non terrarum satis alluit Ister
FERNANDO. non sunt tibi, maxime, Regna paterna
Aemiliane, satis digni maioribus ambo.

Fratrem expactabant cum pulchra vtrunque sorore
Lechiades: sed te, Rex Aemilianæ, referre
Gressum morbus atrox venientem aggressus adegit.
Nec coram aspicere o latos, o maxime, latos
Aemiliane, thoros morbi inclemensia siuit.

Processere nouæ Reginæ occurrere iussi
Trans ditionis agros Olomunti ad moenia nota.
Andreas Plosca antistes Noscouius: & tu
Clarus auis, SRENSI, & veterum virtute tuorum
Haud minor: AVGVSTI pars non tenenda senatus.
Et fando bonus, ingenioque Ociescius acri
It comes: affatu CATHARINAM ad debita molli
Sarmatiæ qui sceptra uocet: sic poscere Regem

B Augu:

A V G V S T V M: sic res Regni: populumq; patresq;
Inde sibi nasci Reges optare legi q;.
Festinet: venit A V G V S T O gratissima Regi:
Sponsa viro, fratriq; soror: non aduena Regno.
Vnum vtricq; genus: gentein, ne ig noret, eandem.
Iam Læchi attigerat fines A V G V S T A q; Regna
Læto sponsa gradu: cum se fert obuia contra
Matrum casta cohors pulchris stipata puellis.
Has inter mediæq; duæ hinc inde Heroinæ:
Altera Sidlouñ viduo deserta cubili.
Sidlouñ, cuius non vlla aboleuerit ætas
Nomen: & æterno victuram tempore famam.
Altera magnanimi Kmitæ sanctissima cōiunx:
Herbotta de gente, domus quæ clara sub arcto est.
Kmitæ, quem morbo male correptum & prope victū
Seruauit modo diuorum clementia terris.
Hæ sponsam primo venientem in limine Regni
Excipiunt: faustumq; precantur cunctæ Hymenæū.
Hortanturq; pede ingrediatur læta volenti:
Regales aditura thoros, aulamq; superbam
A V G V S T I Regis, Quem tota Polonia quondam
Læta diem celebret: ferat & dñs sacra quotannis.
Fœlicis memor aduentus: cum prima Polonis
Finibus & Læchi terris vestigia fixit:
Austriacas CATHARINA domos atq; arua relinquēs.

Iamq; propinquabat Gracchorū mœnibus altis:
Regis ubi A V G V S T I sedes, & Regia celso
Colle sedet: pulchræq; assurgens imminet vrbi.

Olli

Olli Rex contra multis cum missibus ibat
Obuius: & iam Lobzouios superauerat agros
Acri vectus equo, mater BONA, sanguis iberus.
Sexum se attollens supra, comitatur euntem.
Quattuor & iuxta se se iunxere sorores.
Virgineo tres ore dabant diffundere ventis
Crinem, quarta ævo primo & florentibus annis
Regali nuper Iani viduata cubili:
Pannoniæ sceptrum propera qui morte reliquit
Cum nato: natusq; comes matri ibat amatæ.

Et tu magne senex studijs belliq; togæq;
Inclyte: prisca tulit quo nil clemētius ætas:
Nec ventura feret: nostris neq; contigit annis.
Dux ALBERT E, tuis non inficiande Borussis
Addis te comitem Regi: & de stirpe Piasti
Descendens Dux Thesinus, clarissimus hæros.
Et qui Legnicias patrio moderatur habenas
Insidens solio, quemq; Olesinia tellus
Agnoscit dominū, proceres hinc inde Poloni
Circumdant latus AVGVSTI: propiusq; secuti
Murice fulgebant sarrano, auroq; micabant.

Ecce autē octiugo Balice CATHARINA relicta
Vecta aderat curru: propiorq; accesserat: alta
Stant vbi tecta ostro, medio tentoria campo:
Rex ut conspexit veniente: & lata prementem
Arua gradu: obtutu stans eminus hæsit in uno:
Protinus & toto concepit pectore flammam.
Flagrantes sponsæ vultus atq; ora tuendo,

B ij Accedunt

Accedunt, iunguntq; manus & fœdus amoris.

Hic tu, PREMBI, iussus læto incipis ore:
Et fando Regis conceptam pectore narras
Lætitiam: sponsæ aduentu nil charius illi:
Nil magis optatum: nil tempore lætius ullo
Aut cecidisse olim aut quondam contingere posse.
Sarmatiæ dum res stabit nomenq; Polonum:
Illa dies omni semper celebrabitur æuo:
Inter fortunæ melioris tempora læta.
Hoc socrus, hoc glotes, hoc AVGVSTI comitatus
Ingeminat: campo excitus ferit æthera clamor.

Tunc, celsis Vrathislauiæ qui præsidet aris,
Balthasar antistes docto PRVMNICIVS ore
Incipiens, Regum fasces & scepta vetusta
Austriacæ memoranda domus narrabat: & inde
Prognatam, patris CATHARINAM nomine Regis
FERNANDI AVGVSTO Regi, Regiq; marito
Cótra offert: hæc, Rex AVGVSTE, Hæc scilicet addēs
Quos raptæ Elysabes fata immatura sororis
Sarmatia in magna luctus planctusq; ciere:
Ingentemq; tuo defixum corde dolorem
Leniet: & toto penitus de pectore tollet.
Mutabit curas, nequicq; Sarmata tristes
Euentus animo secum reputabit amaro.
Hinc tibi certus erit, populus cui pareat, hæres:
Æuo alio: & quondam Regnum qui proroget armis,
Sarmatiaq; potens late dominetur in omni
Trans Thanais ripas gelidi, & mæotida thetim.

Finierat

Finierat fari antistes: fremitusq; secutus
Cunctorum it cœlo, colles clamore resultant:
Et læto populi fremitu: qui plurimus agros
Complerat late: studio sponsæ ante videndæ,
Reginęq; nouæ, turmas quid & agmina dicam?
Millia totq; hominum gemmis auroq; micantum:
Millia quot non Sauromatæ videre priores.
Tantis culta opibus tantoq; instructa paratu.
Gazam omnem dicas terrarum & diuitis orbis
Congestam: superesse nihil. gemmæ undiq; & aurum
Argentumq; nitet: micat vndiq; coccina Lena.
Quantum prisca Tyros cadmæaq; murice Sydon
Diues alit: nostroq; valētia nobilis æuo
Littore ab occiduo mittit phœboq; cadenti.
Et quæ depectunt eoi vellera seres.
Miris texta modis molles imitata Corymbos.
Obuia meandris in se redeuntia nexis.
Mens quantū & manus arte valēt: solertiaq; audax:
Cernere erat: pulchro hoc comitatu mœnia Grachi
Ingreditur CATHARINA: oculos huc læta ferebat
Atq; illuc: vultu & circumspectabat amico
Plenam vrbē Populo, celsis nec parcere tectis:
Hærent parietibus iuuenes: tectisq; domorum
Prensantes manibus trabium capita aspera aduncis.
Nullus in vrbē locus, qua se fert Pompa, vacabat
Spectatore: omnes intento lumine gaudent
Flagrantes sponsæ vultus radiantiaq; ora
Cernere. nec satis est iterumq; iterumq; tueri

B ij Flagran-

7

Flagrantes sponsæ vultus radiantiaq; ora.
Ecce Stanislai sacræ successit vt ædi
Vota Deo exoluens aras aditura precando.
Andreas nitido fulgens Diadematè Præsul
Vrbis adest ZEBRIDOVIVS; cui cura factorum
Prima sedet, studiumq; ingens delubra tueri
Romanas & opes, templisq; imponere morem.
Præsbyterosq; inter medius docta ora resolut:
Gaudia cōmemorans quaq; ipse sacratior ordo
Lætitia exultet: valeat nec corda repleri.
Illiū aduentu fœlix Regnoq; beatus.
Adfore, præsidij s cuius sacraria priscum
Obtineant decus: & meritos Antistes honores.
Quiq; Deo tus casti adolescent. CATHARINA profanti
Annuit: & templo egrediens se se intulit aulæ.
Postera lux sceptro insignem lætamq; corona
In solio vidit CATHARINA M. tertia tandem
Regali exceptit thalamo Iunone secunda.
Quæ memoranda alijs, hic nobis meta, relinquo.

EXCVSVM CRACO-
uiæ apud hæredes Marci Scharffen-
berger. Anno humanæ salutis.
M.D.LIII, Mēse Augusto.